

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 494709 25 St
Tuzla, 01.06.2026. godine

Općinski sud u Tuzli, sudija Antonela Đaković kao stečajni sudija u stečajnom postupku nad dužnikom "ENNAL-STIL" d.o.o. za proizvodnju, trgovinu i usluge Gradačac, PRESTANAK, ul. Požaričkih branilaca bb, Gradačac, nakon provedenog prethodnog stečajnog postupka, dana 01.06.2026.godine donio je

R J E Š E N J E

OTVARA SE stečajni postupak nad imovinom dužnika "ENNAL-STIL" d.o.o. za proizvodnju, trgovinu i usluge Gradačac, PRESTANAK, ul. Požaričkih branilaca bb, Gradačac, MBS: 32-01-0248-15, JIB: 4210215040002.

Za stečajnog upravnika imenuje Merlina Imamović iz Lukavca, ulica Braće Zaimović broj 26, Puračić.

ZAKLJUČUJE SE stečajni postupak nad imovinom dužnika "ENNAL-STIL" d.o.o. za proizvodnju, trgovinu i usluge Gradačac, PRESTANAK, ul. Požaričkih branilaca bb, Gradačac, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Sl. novinama Federacije BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 494709 25 St od 26.11.2025.godine, pokrenut je prethodni postupak radi utvrđivanja uslova za otvaranje stečajnog postupka nad imovinom dužnika "ENNAL-STIL" d.o.o. za proizvodnju, trgovinu i usluge Gradačac, PRESTANAK, ul. Požaričkih branilaca bb, Gradačac, a privremenog stečajnog upravnika imenovana je Merlina Imamović iz Lukavca, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 02.02.2026.godine. Iz izvještaja privremenog stečajnog upravnika proizilazi da je djelatnost društva za koju je društvo bilo osnovano proizvodnja obuće, a društvo je osnovano 2015. godine. Iz izvještaja, nadalje, proizilazi da dužnik ne posjeduje vlastite poslovne prostorije. Sva dokumentacija se nalazila kod direktora, a od finansijske dokumentacije privremeni stečajni upravnik je imao na raspolaganju Bilanse stanja i Bilanse uspjeha za period od 2023. godine do 2025. godine. Prema izjavi direktora društva, društvo je zapalo u poteškoće od 2018. godine i svoju osnovnu djelatnost ne obavlja od 01.01.2020.godine. U periodu 2023.-2025. godine iz bilansa uspjeha je vidljivo da društvo ne ostvaruje prihod od djelatnosti zbog koje je osnovano. Nadalje, utvrđeno je da društvo nije vlasnik niti jedne nekretnine. U društvu nema zaposlenih lica. Porezna uprava F BiH, porezna

ispostava Tuzla izdala je listu zaposlenih lica za obveznika na dan 13.01.2026. godine prema kojoj kod navedenog obveznika nema evidentirano niti jedno osigurano lice. Služba za geodetske i imovinsko-pravne poslove Grada Gradačac je 05.12.2025. godine izdala uvjerenje u kojem se potvrđuje da „ENNAL-STIL“ d.o.o. za proizvodnju, trgovinu i usluge Gradačac je upisan kao nosilac prava u katastarskom operatu Posjedovni list broj 5260 sa slijedećim podacima: parcela 486/8, naziv GLINIŠTE, oranica /njiva 6.klasa, površine 333 m2. Dana 13.01.2026.godine u razgovoru sa ovlaštenim licem i na osnovu dodatno dostavljene dokumentacije je utvrđeno da je navedena katastarska parcela GLINIŠTE od 333 m2 prodana 25.09.2025. Kao dokaz ovoj tvrdnji dostavljen Otpravak izvornika 959/2025 izdat od notara Adnan Jašarević iz kog je vidljivo da je došlo do kupoprodaje navedene parcele. Kupac je bio dužan uplatu izvršiti u korist Kantonalnog poreznog ureda Tuzla na osnovu ranije uknjižene hipoteke na predmetnoj imovini. Zemljišnoknjižni ured Općinskog suda u Gradačcu je 12.01.2026. godine je izdao Zemljišnoknjižni izvadak kojim je utvrđeno da pravno lice „ENNAL-STIL“ d.o.o. za proizvodnju, trgovinu i usluge Gradačac, se vodi kao vlasnik parcele GLINIŠTE sa navedenim teretima u dijelu C u koji su evidentirana Riješenja o upisu Hipoteke na navedenoj parceli u korist Kantonalnog Poreznog ureda Tuzla i Uprave za indirektno oporezivanje, Regionalni Ured Tuzla. Nadalje, Ministarstvo unutarnjih poslova TK- Odsjek za administraciju Gradačac, na osnovu zahtjeva „ENNAL-STIL“ d.o.o. za proizvodnju, trgovinu i usluge Gradačac, izdaje Uvjerenje 25.12.2025.g., kojim potvrđuje da je društvo nije vlasnik motornih vozila. Centralna banka Bosne i Hercegovine dostavila je Izvještaj o računima poslovnog subjekta na dan 02 .10.2025. godine prema kojem su svi računi ugašeni ili blokirani. Što se tiče poslovanja društva, isto je u posljednje tri godine nerentabilno i neekonomično, dužnik je u periodu od 2023. godine do 9 mjeseca 2025. godine poslovao bez ostvarivanja prihoda. Prema podacima iz bilansa stanja na dan 31.12. 2023. godine akumuliran gubitak iskazan je u istom iznosu od 0,00KM . Kada su u pitanju obaveze društva, jasno je da one prema knjigovodstvenoj evidenciji iznose 0,00 KM. Na osnovu Uvjerenja izdatog od strane Porezne uprave F BiH, Kantonalni porezni ured Gradačac od 23.10.2025.g. vidljivo je da su navedene obaveze u iznosu od 360.574,76 KM. Na osnovu Uvjerenja Uprave za indirektno oporezivanje, regionalni centar Tuzla od 27.10.2025.godine navedeno je dugovanje od 19 731,78 KM. Na adresu Općinskog suda u Tuzli dostavljena je prijava potraživanja MF banke a.d. Banja Luka dana 22.12.2025. godine na iznos od 89.902,29 KM, a s obzirom da je stečajni postupak otvoren i istovremeno zaključen istog dana, a koja prijava nije razmatrana jer je ista pristigla u prethodnom postupku.

Stečajni upravnik je mišljenja da su ispunjene pretpostavke za otvaranje stečajnog postupka nad imovinom dužnika "ENNAL-STIL" d.o.o. za proizvodnju, trgovinu i usluge Gradačac, PRESTANAK, ul. Požaričkih branilaca bb, Gradačac.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl novine F BiH" broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 13.04.2026. godine pozvao predlagača, povjerioce i sva zainteresovana lica da u roku od 30 dana od dana objavljivanja poziva u službenim novinama uplate iznos od 4.000,00 KM na ime predujma radi otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 32/26, dana 29.04.2026.godine, na oglasnoj tabli suda dana 14.04.2026.godine i na elektronskoj tabli suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predujma za finansiranje troškova stečajnog postupka,

sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2. Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

**Stečajni sudija
Antonela Đaković**

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.